

醫

話

集

腋

醫

事

雜

評

醫

學

衷

中

參

西

錄

醫話集腋

紹興醫藥學報社同人撰

裘吉生編輯

記馮袁病

青縣張樹筠

譬有外感風寒內傷飲食而爲頭痛發熱者只宜解表不可攻裏倘一攻裏則裏氣一鬆外邪隨即陷入病者何時能愈夫治病之道大約不出表裡陰陽寒熱氣血邪正虛實之範圍故治外感者容易活人尤容易死人治內傷者或稍有失慎未即爲害然能治內傷而不明外感者未可以醫名也昔秦越人云僕不能生人耳惟不起之病僕能起之若使病者不死於病而死於醫又何異易挺以刃乎是以救人之功小誤傷之罪大也已未十月二十日馮前大總統華符公本因沐浴未汗不適微感寒邪症不藥亦可愈或用香蘇飲小汗必愈奈不幸延陳某用麻黃羌活獨活防風

新興國藥圖一
荆芥且雜以地骨皮蜜瓜萆各三錢餘藥不倫者尙多連日服二劑不但不汗且被骨皮瓜萆引邪陷內矣是夜卽吐瀉苦綠水不止此時倫延老練醫家亟溫其少陽陽明類溫膽去枳實加人參等庶可以挽救又改延西醫用藥六日奈頭疼醫頭脚疼治脚更不可爲矣後延揚州老醫杜子良連用藥七八日夜亦不可救矣烏乎病死之期共十八日也

是月(十一月)二十七日馮宅會計杜孝威之內侄袁永者年十五歲身頗高在前門外學生理患感冒寒邪有齊家胡同某老醫奉天人予以冬瘟藥連翹銀花菊花桑葉黃連芩檳山梔酒軍麻黃次日又加硃茯神硃麥冬等二劑亦無出汗大便二三次而邪內陷矣筠診仍身冷痠痛頭疼胸悶不渴面淡白舌苔灰白閉目懶語無精打彩脈浮而略緊處以麻黃湯加蘇葉秦艽白芷廣皮枳實生薑大棗服後啜稀粥一盃一劑汗出而愈但頭眩暈不思食更用天麻白朮茯苓半夏乾薑台黨炙草

橘紅生耆薑棗等以溫通臟腑二劑而思食且不暈矣查少陰之邪從水化而爲寒曰脈沉細而微但欲寐背惡寒口中和腹微痛下利清穀小便白是也宜用回陽法此因脈浮而略緊故仍主麻黃加蘇葉等以微汗之

二案受病相似而醫誤相似惟老幼虛實不同噫醫真不易爲哉筠嘗見醫者每遇斯症不用解表等劑妄施苦寒涼降之品而誤人者殊不知藥之溫涼各有所貴方之表裡各有專長況且苦降之品能引邪陷內卽甘寒柔膩類歸芍生地等亦未嘗不引六淫之邪陷內矣且傷寒之藥固取辛溫而溫病之藥亦未嘗離乎辛溫也其少佐辛涼苦寒是恐其助陽過劑反燦陰也若溫病伏邪欲發之時先用辛溫不待伏邪盤鬱早使排洩出矣若用寒涼逆折豈不欲出無路乎且下不厭遲雖溫病門中有速下救陰之說亦當觀其邪出與否傷寒雖以發表爲先及表邪傳內寒化爲熱亦有用黃芩白虎承氣之時若竟忌用苦寒亦不愈也要之傷寒從表入裡循經

相傳表裡相混者甚少溫表自裡出表傳不循經表裡相干者實多而爲之醫者表裡未辨寒熱顛倒故有悖謬之治耳由是觀之傷寒之法何嘗不治溫病溫病之法何嘗不治傷寒哉筠才疎學淺見解或偏因有所激論之如右

與友人談醫一則

上虞俞鑑泉

秋涼氣爽燈火可親偶懷往事聊記楮墨憶年前至友人齋中適逢其友某善飲者也友人歎以膏粱正在自斟自酌酒酣耳熱之際適逢余至寒暄甫畢卽謂予曰中醫之診斷何如西醫之詳盡中藥之湯劑何如西藥之精潔其中之優拙君究以爲何如予乃與言曰有是哉醫之難也鄙人甫自診病來適逢異症食焉不飽飲焉不醉衣焉不暖經種種之治療未得其效果病家蹙眉醫人袖手適有病者友人走訪之偶飲以白蘭地數杯卽玉山頽矣病家自相慶幸其友亦頗有會心爰進以牛脯乳酪蒸餅竟腹果矣其友乃恍然曰飲以西酒西餐而得醉飽如衣以大衣禦寒必

矣語未竟其友人笑謂予曰子以予言崇西而故滑稽以相譏耶予唯唯否否爰從容相告曰吾國自炎農辨藥黃帝肇醫自非天縱神聖無能道其隻字傳之萬世立於不敗之地夫天然藥物形色質樸習慣見之人造藥物爲液爲粉視如新奇要知吾以天然之品於百十種中擇氣味能尅病者而成劑西以天然品中提鍊其精華得百十種之原料配合其性能而成劑中西同各習慣用之無非形質不同若病名中曰某某症發熱西曰某某臟發炎中曰損症西曰肺癆中曰中風西曰腦病讀其書亦無非種種之名稱昔有儒者讀醫藥等書爲予曰大都醫藥之道不過若干症若干藥互相出入易易事也予曰吾國爲官素爲一等事業總言之曰治國安民而親民理事無非田產債欠鬭毆口舌之種種而其中之淆亂是非顛倒黑白若無精明之斷察鮮不爲刁訟億民所欺甚者官昏民怨禍且危國夫官理事顯而易察若醫則雖有外象可徵而臟腑無語此事難知古聖制字大有深意藥字從草從樂言

草木治病人得其樂醫字從矢從殳從酉言同兵戈秋金肅殺之氣稍一不慎生人之術卽爲殺人古以醫上工十全八九中工十全五六下工十全二三且所謂全者必病在存亡危急之秋能周詳審慎別具手眼以挽回之如秦越人云吾能使之起者是也彼輕微之感疥瘡之疾元氣未漓或用劑稍乖或抱不藥之旨亦能自愈故鼎鼎大名之中西醫士日治百數十人絡繹其門者若實難解決之症亦惟十中二三而已須知醫術須寢饋之深閱歷之久食古通今活潑靈機必以醫知病莫使病欺醫醫知病如折獄老吏偵探名家症藥相符覆杯可愈病欺醫雖有形色之診斷精敏之手術似是而非沉疴奚補自行道以來己身之親歷聞見之所及中西難免此轍嘗閱王一之旅美觀察談有數則與醫病相關試節其言曰「記者常與西友談及有深悉醫家之內情者謂醫士遇輕病亦常用不關輕重之藥水任意敷延病家若遇疑難雜症竟有試投較烈之劑以嘗試者」吾國大疫由於天時不正之氣

近來講形跡者謂由於不潔要之天災人禍天下同之旅美觀察談云「去秋美國大疫因是而促其天年者不可勝數此誠新大陸未有之浩劫也記者艱險備嘗危亡之慘尤屬身親目覩」至通風露臥亦新學家調護之一而旅美觀察談中有云「西醫穩實可靠者知病室中止可令其通氣不可令通風否則新空氣之益未見效而人體所固有抵抗力已爲此偏執之見催殘淨盡矣」又略云隻身萬里之外若疾病醫藥稍不審慎禍懸眉睫矣觀此數語知醫藥之難體氣之異斷不可徒慕其長者精者而并崇拜其短者粗者金鷄納霜丸世多知用以截瘧退熱而不效者比比也燕醫生補丸通便習慣用之者予見服八粒無效蓋肝火鬱結深沉以當歸龍薈丸數錢而始通化學以荳麥含蛋白質較米尤富而脾胃寒體多食麥與荳漿即胃鈍便溏此同一滋養質而所含之性不同至西藥提鍊之精觀之似人巧補天工要之天工總不遜人巧聲光化電艇可潛船可飛然一志以究可窮極其理且種

種有跡象之可求若天工以二氣之良能鼓盪長養自人類以至動植礦物靡大靡小其構造組織細入毫芒萬千形色精妙不可思議或亦有人造玉石礦物而質之重輕色之浮實均可辨認而萬物最靈之人體天生岐黃之神聖能測識臟腑之功
用經氣之遊行天生神農能知草木之性質以療疾苦無須顯微之鏡理化之器已
有的確不磨之實驗足知吾華之醫藥猶之布帛穀粟之利賴經數千百年如一日
如必新奇是尙棄其學而學焉豈非如天以穀帛使人飽暖而人反之而自絕於天
乎而最有一端足以引起信西學之心理者謂地球之動也西人謂地繞日而行日
不動與中古天動地靜日月五星旋行之說成一反例近來吾醫界亦有辨其說之
非者而美之天文家亦有日動地不動之說予於數年前於申報中所載見之且云
有與之辨難者伊有種種之證明惜予一時匆匆閱過未暇錄存以俟識者之考核
可知天路悠遠不易推測知地繞日行之說未爲定論也雖然以予之說無非專守

舊學頑固迂執之見然余亦嘗讀李斯諫逐客書矣況今版輿廣大門戶開通造物生才何地蔑有以西之文明素著安得抱方隅之意見而不動域外之觀感特以吾國果有之學術初非憑空臆造能考其精駁駁乎過之無不及非特可以並駕齊驅知氣化之學不見拙於形跡之學也亦惟保存吾之國粹不必強爲改革而採取其新學之妥當者而爲輔助方爲有本之學已蓋常見局部之症西法去之甚速要之邪所發生之處卽爲病之輸泄之處邪已盡者固無遺患否則傳而至於別部或內而攻之臟腑後患殊多此氣化經絡病本之足重研究者而吾國醫家於內科有一大缺點決惟刺灸西醫逢中風牽引以及痛瀉急痧哮喘氣逆不及措手之急症往往施一種注射手術爲急則治表之法吾國針灸治法優者聞見以來大有良好之效果惜乎男婦科內治同科者多而針灸一科別樹一幟更鮮妙手倉猝之間一遇此等症候一紙方藥實不濟事後起英才即不暇全力以攻針灸而重要之病必於

初學入門時特別注意作爲重要問題惟此針灸必須向富於經驗之名家傳授方爲有用有公私醫學堂處必須以重禮聘請此席兼附設針灸專門病院俾莘莘學子得以習見觀摩得口講手畫之領會否則醫界團結朋儕羣策進行力集束修派一人負笈以從學其治緊急要術學成以後分傳同學以補內科之缺點西人研究一物有歷數世數人方成者俗云技不癡不精眞信然也嗚呼自誇門戶予知自雄世所恥者予於此篇本與友人之談話茲特略爲增飾而記錄之亦不得已之愚衷歟而有懷欲白尙不盡斯言

今秋瘧痢治法記

竹餘祥辛酉冬稿

敝縣自六月底起瘧痢盛行瘧則寒微熱重甚至但熱不寒手足抽搐六脈洪數痢則紅白兼下腹痛如割又有瘧而兼痢瘧愈轉痢變幻不一祥臨症治驗所用諸法略舉數端以呈 諸道長斧正倘不惜齒芬指疵摘瑕惠賜 教言則獲益良多矣

瘧疾寒微熱重熱勢晝夜不退舌白不滑口渴汗時出時止脈洪數兼浮遍身疼痛此爲溫瘧以桂枝白虎湯有時不應或苔黃溺赤去桂加豆豉竹葉連翹蟬退柴胡等品若但熱不寒每至晝間壯熱煩渴舌白或黃頭疼身痛病在太陽陽明形如瘧瘧以壽甫先生寒解湯加蘆根蟬退竹葉萸壳得汗而痊並囑節少飲食免致留邪爲患而以甘寒生津善其後若熱時口噤兩目直視手足抽搐六脈浮洪而滑幼年居多（未滿弱冠之人）想幼時體質嬌嫩筋脈一受熱灼易呈此象劇時治以菊花鉤藤元參嫩桑葉鮮生地鮮石斛鮮菖蒲銀花露等以驅熱熄風宣竅保津平時熱不盡退治以石膏蘆根連翹竹葉蟬退等清熱透邪如脈數按之無力仿壽甫先生白虎加人參以山藥代粳米法若瘧三日一發以正氣已衰邪氣深入陰分故纏綿有至四五年不已者必待正氣漸漸恢復則邪氣不能內留始有向愈之機隣村葉某年四十餘三日瘧已將二年百計治療總歸無效詳診其脈滯鈍重按無力舌苔

白滑小便熱終年無汗知其濕邪深踞正氣無抵禦之機能遂以參歸首烏以養正
龜牡鼈甲以搜邪苓夏以驅濕木賊桂樸以透邪檳榔草果以截瘡服後雖能見輕
而終不克除根稍一間斷而轉重如故徐某信祥能催眠治病再求精神治療祥以
彼信仰力不堅未肯輕試然彼屢次苦求始允施術囑其先行深呼吸五十息繼以
撫下聽音等法遂入止動狀態投以週身汗出腹內濕邪自三焦達膀胱醒時由小
便而出等暗示及醒覺後果週身淋漓即至廁所小便甚長次日再行施術投以元
氣充足及前之暗示並問汝之瘡疾幾日能完全治愈汝必能預知速速告我彼應
聲曰六時自後每日施術一次彼於施術之前先行小便施術約五分鐘之久醒覺
後小便仍然甚長因投以濕邪由小便而出之暗示所致而彼與旁觀人均以爲奇
事至瘡時微有影響而已待第六日適瘡發之期竟霍然無恙精神爽健至今二月
餘並不再發夫催眠施術時必彼術者信仰心深則施術始不致失敗故修斯術者

必須品行端方語言莊嚴然學術高深者必隨時隨地可以施術近聞印度植物亦能催眠何進步之神速也痢疾由於飲食不節兼之暑濕吸受交積腸間致腸膜發炎腹中疼痛或外邪內陷者亦有諸今秋痢疾紅白兼下爲多小便赤短或不通六脈滑數有力舌質紅苔黃祥以少逸先生清痢蕩積法一二劑輕者卽痊重者病減如脈不滑小便熱而不短者以黃芩木香萊菔子黃連滑石牛芍甘草枳殼等清痢消積若純白純赤十中只有一二赤痢以秦皮白芍銀花地榆山查神麴荷葉等品兼吞三七鴉胆子白痢隨症施治外常用鮮蘿蔔汁一盞生薑汁少許白蜜半杯鮮藕汁一杯混和燉溫頻飲屢建奇功若痢而兼瘧喻氏逆流挽舟法用之誠有效力然瘧多寒微熱重口渴舌燥羌獨恐有不宜遂以豆豉蟬退等品代之痢而身熱不退者以壽甫先生通變白虎加入參湯（參用潞黨或沙參）若瘧愈轉痢不止者以傷寒論葛根黃芩黃連湯加鮮荷葉爲主以荷中空能升清助脾兼有透發之力耳

婦人經行腹痛

陳守眞

婦人月經不通第一不宜思想雜亂使心肝脾三經之氣不能暢達榮美人身各
種器官而血液因此格外耗散那裡還能夠灌注到衝脈任脈；下變月水按期而
不亂呢當此新社會和舊社會交替的時代有些維新的女子處在舊家庭積威之
下沒有一個不抱悲觀的因此鬱結在心鬱怒在肝憂思在脾以致血脈乾涸月事
不能按時而下此當先去其原因然後施藥方可奏效有一位女學生從前年生病
之後氣和血俱虛弱了因為氣虛不能傳化血弱則經脈滯澁不能流通加以在校
讀書多用腦力氣血愈虧月經益發不調（一月不來或一月來兩次）來時又復頭
昏腹痛去即暫止若服行血利氣的藥一時雖能見功然到了下月經期反要倍加
痛處因為這病症不可疏利只要用八珍湯加順氣之藥像黃連山梔香附敗龜板
炒黑蒲黃煎服之後使氣足健運血旺流通月事就能按時而下腹部也不再痛了

三焦論

葛介人

甚矣哉醫之難爲也予自學醫以來迄今六載餘矣自去歲負笈遊越入裘吉生先生門下先生藏書甚多聽吾輩隨時檢閱遇讀叔和東垣論三焦皆云有名無形方寸懷疑數日不釋夫天地生物至妙至巧人之構造難知難察古聖別臟腑審經絡必解剖洞悉先有其形而後定名決不敢憑個人私識空定名而無其物也且左腎其腑膀胱右腎命門其腑三焦古人明言之矣中藏經云三焦者人之三元之氣也（中略）形色最赤總護諸陽非無狀而有名者也內經云亥時氣血注於三焦由是觀之叔和東垣烏得謂其無狀蓋三焦有形如膀胱故可以藏有所繫若其無形尙可以藏繫哉既有其形故中藏謂其形色最赤既有形色故內經言亥時氣血得以注之齊遁云齊大饑羣臣相斲割而食有一人皮肉盡而骨脈全者見右腎下有脂膜如手大正與膀胱相對有二所脈自其中出夾脊而上貫腎意此卽導引家所謂

夾脊雙關者而不悟脂膜如手大之爲三焦也觀齊遁之言與三元參贊所云兩相投合而三焦之所居不彰彰然明乎然其所以名三焦者指三焦之功用而定也三焦分布人體中有上中下之異方人心湛寂欲念不起則精氣散於三焦在上主出陽氣溫於皮膚分肉之間若霧露之漑故曰上焦如霧佈於中主變化水谷之味其精微上注於肺化而爲血行於經隧以榮五臟周身故曰中焦如漚其下主通利洩便以時傳下出而不納開通閉塞故曰下焦如瀆及其慾一起心火熾然翕撮三焦精氣入命門之府輸瀉而去故叔和東垣謂其有名無狀也奈後之學醫者相承不察訛以傳訛可勝浩歎雖然爲醫如叔和東垣亦可爲之工矣而三焦之論猶有遺議予今日之論三焦豈敢自信耶惟略寫予之心得質諸海內諸君子以爲然否

望色知生死（附引）

江都甘棠徐韻英

夫四診以望居先蓋有其病於內必有其色現乎外也較之聞問切三者則復乎尙